



Reglament davart las absenzas da scola

per il stgalim primar e secundar da la Scola da la citad da Cuira (reglament d'absenzas)

Decidi da la direcziun da scola da la Scola da la citad da Cuira ils 13 d'avrigl 2018

Basas legalas:

- Lescha davart las scolas popularas dal chantun Grischun incl. ordinaziun, 21 da mars 2012 (DG 421.000, DG 421.010)
- Lescha da scola da la Scola da la citad da Cuira, 14 da november 2013 (Cudesch da dretg da Cuira 711)

Remartga: En cas da dubi vala la versiun tudestga.

Art. 1 Princip

¹ Ils responsabels per l'educaziun èn obligads da trametter a scola ils uffants regularmain ed a temp. L'instrucziun na dastga betg vegnir manchentada senza in motiv urgent.

² Sch'i n'è per la scolara u il scolar betg pussaivel dad ir a scola, sto la persuna d'instrucziun respectiva vegnir infurmada avant che l'instrucziun cumenza.

Art. 2 Absenzas pervia da malsogna ed accident

¹ Sco absenzas perstgisadas valan surtut malsogna, accident e termins dal medi betg suspensibels.

² En cas d'absenzas pervia da malsogna u d'accident da l'uffant da scola po la scolasta u il scolast da classa pretender in attest dal medi dals responsabels per l'educaziun.

Art. 3 Dis da joker

¹ Ils responsabels per l'educaziun pon prender lur uffant durant maximalmain quatter mezs dis per onn da scola or da l'instrucziun. Quai na vala betg per ils ultims dis avant ed ils emprims dis suenter las vacanzas da stad.

² La scolasta u il scolast da classa sto vegnir infurmada / infurmà dals responsabels per l'educaziun per regla in'emna ordavant en scrit davart la retratg dals dis da joker.

Art. 4 Lubientscha da congedis, cumpetenzas, termins d'inoltraziun, cundiziuns

¹ Congedis motivads en il senn da dispensaziuns da scolaras e scolaras da l'instrucziun pon vegnir lubids fin totalmain 15 dis da scola (30 mezs dis) per onn da scola. Ils dis da joker valan sco ils emprims dus dis da congedi ed èn ina part dals 15 dis da scola.

² Absenzas motivadas pon vegnir lubidas surtut per las suandantas absenzas da scola: mort d'in confamigliar; impurtants eveniments religios; participaziun activa da la scolara u dal scolar a concurrenz da sport, concurrenz artisticas u scientificas; engaschament per in'activitad en uffizi d'onur; barat da scolaras; visitas da posts da cussegliaziun u d'autoritads.

³ Absenzas da scola motivadas persunalmain sco p.ex. activitads dal temp liber, excursiuns u viadis da vacanzas na valan betg sco absenzas motivadas a moda valaivla en il senn d'in congedi. In'excepziun èn ils dis da joker.

⁴ La cumpetenzza da lubir ils dis da congedi deleghescha la direcziun da scola suandantamain:

| congedi | lubi da: | termin per inoltrar a l'istanza da permissiun: |
|---------------------------------------|------------------------------|--|
| ils emprims 4 mezs dis (dis da joker) | scolasta / scolast da classa | 1 emna (infurmaziun) |

⁵ Ils termins d'inoltraziun per las dumondas da congedi èn per regla da resguardar.

⁶ La lubientscha da congedi po esser liada a cundiziuns. En cas ch'ina cundiziun na vegn betg ademplida, po la lubientscha da congedi vegnir revocada.

Art. 5 Congedis pli lungs

Per conceder lubientschas da congedi da passa 30 mezs dis (15 dis da scola) per onn da scola è responsabel l'inspecturat da scola chantunal. Dumondas cun ina motivaziun en scrit èn d'inoltrar almain 20 dis ordavant a l'inspecturat da scola.

Art. 6 Infurmaziun e controlla

¹ Igl è d'infurmar la scolasta u il scolast da classa uschè baud sco pussaivel ed en scrit davart las absenzas da scola.

² La scolasta u il scolast da classa controllescha las absenzas.

³ Immediat suenter in'absenza sto la scolara u il scolar mussar a la scolasta u al scolast da classa ina notizia en il cudeschet d'absenzas sutscritta dals responsabels per l'educaziun.

Art. 7 Fufagnadis

Congedis per «fufagnadis» n'èn betg suttamess a las cundiziuns da quest reglament. Els vegnan concedids da las direcziuns da scola dal stgalim secundar en il rom da las directivas chantunals.

Art. 8 Dispensaziun temporara da singuls roms

Sch'ina scolara u in scolar na po per motivs da sanadad (in attest dal medi è indispensabel) betg visitar in rom temporarmain, po la scolasta u il scolast da classa dispensar la scolara u il scolar da l'instrucziun. En cunvegnientscha cun ils responsabels per l'educaziun vegn garantida la surveglianza durant il temp d'instrucziun usità.

Art. 9 Elavuraziun da la materia da scola manchentada

Per l'elavuraziun da la materia da scola manchentada èn responsabels las scolaras ed ils scolars resp. ils responsabels per l'educaziun.

Art. 10 Disposiziuns penals

Geniturs che na tramettan lur uffant cun intenziun e senza motiv da perstgisa betg regularmain a scola u prendan el or da scola senza ina lubientscha da congedi, vegnan chastiads cun ina multa da fin fr. 5'000.–. Las personas d'instrucziun èn obligadas da communitgar a la direcziun da scola absenzas nunlubidas.

Art. 11 Entrada en vigur

Quest reglament remplazza la versiun dals 3 da zercladur 2016. El entra en vigur il 1. d'avust 2018.